



DISENJODIKOZLOFFJONES HOTEL SERCA B.C.

ORANJESTAD, 18 juli — Ayera un solemnidad chikitu a tuma lugar den e sala di reunion di Bestuurscollege na Oranjestad ora cu srs. Jake Kozloff y Cliff Jones, a entrega B.C. e disenjonan di e hotel, cu nan ta spera di bai traha mas pronto posibel na Palm Beach di Aruba. Aki Gezaghebber O. S. Henriquez a expresa su esperanza, cu e proyecto di hotel aki, lo por worde realiza pronto, na favor tantu di Aruba, cu ta lucha cu un falta grandi di kamber di hotel pa desarollo di su industria di turismo, como pa senjores Kozloff y Jones, cu ta inverti hopi capital den esaki.

E solemnidad a worde presencia ademas pa Gezaghebber y srs. Kozloff y Jones, tambe pa algun deputado, hefe-an di servicio, accountant I. W. Newman, srs. E. J. Frankel, Ben Lessner, D. Altman y Paul L. Jaffe, tur representante di e oficina di arquitecto Mericano, cu a disenja e hotel. Ya nos a jega di anuncia, cu entretantu a keda estableci Palm Beach Hotel Corporation pa srs. Kozloff y Jones, e compania cu lo ta donjo di e hotel. Segun declaracionnan di antes di e donjonan di hotel, nan kier construi e hotel aki den dos fase, prome un parti cu habitacionnan cu facilidatnan modesto pa uso publico e.o. un coffee shop. Des-

pues nan kier construi na banda di lanan e segundo parti, den cual tambe un comedor, club etc. lo worde inclui. E hotel, cu ta bin keda na parti pa noord di Aruba Caribbean Hotel-Casino,

srs. Jones y Kozloff lo financia cu propio medianan segun nan a declara antes e hotel. E caballeronan aki cu ta explotata e casino na Aruba, tambe tin interesnan importante den casino y hotelnan den territorio di Caribe y na Merca. Poco dia pasa nos a anuncia cu nan kier trata pa cuminsa desde principio di september p.v. e hotel y e construcion di e hotel aki, cu no tin nomber ainda. Asina nan ta spera di logra cu e temporada venidero ya e hotel y turistanan por provecha di e hotel nobo aki. Ta di spera cu e acuerdo di erfpacht entre e donjonan di e hotel y gobierno lo worde firma pronto. Por lo pronto nan lo inverti f. 3.200.000, — den e hotel nobo.

GEZAGHEBBER DI ARUBA ANTEPASADO DI SECRETARIO DI ESTADO

ORANJESTAD, 18 juli — Un coincidenza — un bishita, un comersacion, un encuentro — por resulta den descubrimientonan, cu no ta algu di importancia sumamente grandi, pero cu sin embargo ta vale la pena pa mencionala.

Asina a resulta den un di e dianan aki cu nos a hanja sabi cu e Secretario di Estado di Defensa na Hulanda, Su Excelencia Michael R. H. Calmeyer ta Antillano di banda di su mama, mientras cu un di e antepasadonan di senyor Calmeyer tabata gezaghebber di Aruba. Michael de Veer, kende tabata gezaghebber na Aruba for di 1860 te na 1863.

E Michael de Veer aki mes a nace na Sint Eustatius. E mes tabatin no menos cu 12 yiu di cual dos a nace aki. Pero tur e yunan aki a bai for di Aruba. E familia De Veer cu tin awor na Aruba no ta descendientan di Michael De Veer, pero di su ruman mayor, Johannes Abraham. Pa nos por ilustra e relacion familiar di senyor Calmeyer y Aruba nos tin di bai mas leeuw ainda den historia.

Tres gobernador De Veer

Den historia di Corsow e nomber De Veer ta conoci. Tabatin no menos cu tres gobernador De Veer y un tal gobernador Kip (1877-1880) tabata casa cu un De Veer. E De Veer nan ta herede di comercio. Algun siglonan pasa tabatin un comerciante Gijsbert Janszoon de Veer, kende a nace na Schiedam y tabata traha na Amsterdam. Un

di e descendientan di e comerciante aki tabata Johannes de Veer, cu a nace na anja 1738 na Amsterdam y a bai Corsow cu 20 anja. Despues di tabata cuater anja den servicio militar aki, nan, Johannes a bira boekhouder di e garnizoen (1762) y despues secretario di Kleine Raad (1764) y di Grote Raad (1767).

Johannes de Veer a bira gobernador den un di e temponan di mas dificil cu tabatin, na Corsow, asina dificil cu na anja 1788 Staten-Generaal a dirigi su mes na Prins Willem V cu e peticion pa manda un „enquête-commissie“ Corsow. Na anja 1796 De Veer a renuncia su puesto. Algun luna despues el a muri y a worde dera sin ningun ceremonia.

Abraham de Veer School

Abraham de Veer, kende na anja 1952 su nomber a worde duna na e school na San Nicolas, tabata un yiu Continuation di pag. 1.

FATUM — Tel.: 1845 pa tur bo aseguronan

Mr. V. G. M. Marjnen e formador di gabinete nobo y numero tres cu lo trata pa forma un gabinete cu tin mayoria di parlamento na Hulanda aki den elculo di su familia. Aki e jiu homber mas chikitu di mr. Marjnen, Peter Paul ta sende e pipa di su tata. E parcha tin seis jiu di cual por mira aki 'riba na robez Michel, 18 anja, Anne-Els di 13 anja y Bart di 11 anja. Na drech ta senjora Marjnen.

ASUNTO DI „HERO BIEUW“ ARREGLA

ORANJESTAD, 18 juli — E problema cu tabata existi en cuestion cu e transportation di hero bieuw, for di Lago pa hant di Oranjestad a keda aregla. Senyor Eddy Maduro, e representante di A.C.U. a bishita Lago caminda el a constata cu e malcontento di senyor Dunbar, tabatin motibu comprendibel.

Asina cu a worde dicidi cu e trucknan di e firma Mericano lo sigui transporta e hero bieuw, pero cu e trucknan di A.C.U. tambe lo worde usa.

DIRECTOR LIONS INTERNATIONAL PA ARUBA

ORANJESTAD, 18 juli — Dia-bierne mainta pa diezunor y mei lo jega Aruba senyor Servando Hovius, un directo di Lions cu residencia na Caracas. Senyor Hovius ta viaha aki pa asisti na e cambio di directiva di Lions Club di Aruba diasabra p.v. Tambe na e ocasion ey Gezaghebber O.S. Henriquez lo keda instala como miembro di honor di Lions Club.



Cu avion di Surinam a jega Corsow e declarador y actor di t.v. Otto Sterman. Otto Sterman a nace dia 7 di mei 1913 na Amsterdam for di un tata Antillano y un mama Hulandes. El a hira leeraar di gymnastiek, local e ta hasi te ainda. Na Corsow e lo actua e.o. na Marinkerkkerie na Suffisant, J.P.F. y pa Evangelische Broedergemeente. Dia 25 di juli e ta sali pa Aruba. Senyor Sterman a bini Antillas 'riba propio iniciativa. Na Surinam el a asisti na e fiestanan di emancipacion. Riba e portret nos ta mira e declarador na su jega na Hato.

Contesta di preguntanan di miembro di Staten Braam GOBIERNO DI ANTILLAS TA LAMENTA INFORMACION DUNA PA B.C. DI CORSOW

*Ayudo financiero no ta basa
'riba cantidad di habitante*

(Di nos corr. na Corsow)

WILLEMSTAD, 18 juli — Gobierno di Antillas ta lamenta cu, bestuurscollege di Corsow a duna informacionnan „cu ta mustra incapacidad“ na prensa en relacion cu e reparto di e sumanan pa Aruba y Corsow den kader di e ayudo financiero iHulandes na Antillas. Esaki entre otro ta para den e contesta cu e minister-president interino senyor R. J. Isa a duna 'riba preguntanan di e miembro di Staten senyor H. L. Braam (D.P.).

Especialmente e declaracionnan di diputado di finanzas, senyor P. van der Hoeven, ta testigua di un curso cu por ta masha peligroso pa Corsow, segun e contesta di e minister-president interino.

Plan di diez anja base correcto

Na financiamiento a fondo perdun, segun e contesta di senyor Isa 'riba preguntanan di miembro di Staten Braam, no mester husga e cantidad di habitante sino e capacidad financiero di e territorio insular en cuestion.

Senyor Braam a lansa su preguntanan a consecuencia di e informacionnan duna pa B.C. durante un conferencia di prensa di diahuebs siman pasa. E preguntanan por escrito di senyor Braam tabata:

1. Gobierno a tuma nota di e declaracionnan di B.C. di Corsow en relacion cu e ayudo financiero di Hulanda den kader di e plannan di mas anja pa Antillas?
2. Si asina ta, anto minister por participa si e cifranan di e B.C. duna pa e diputado di finanzas ta correcto?

E texto completo di e contesta di e minister-president interino, manera a ser duna pa Servicio di Informacion, ta lo siguiente:

Contesta pa 1.: Gobierno a tuma nota di e declaracionnan menciona duna na prensa pa e bestuurscollege di territorio insular di Corsow.

Gobierno ta lamenta cu, Bestuurscollege di territorio insular di Corsow, in cu nan a bas. un estudio otro tocan-

te di e problemanan rond di e plan di mas anja pa Antillas, a hanja cu ta

necesario di expresa sorto di informacionnan — cu ta demostra incapacidad — publicamente.

E informacion cu a ser duna di parti di Bestuurscollege di territorio insular di Corsow, en especialmente es-un haci pa e diputado di Finanzas, di cu ta e cantidad di habitante mester a pisa en cuanto e ayudo a fondo perdun, ta mustra di ta masha peligroso pa Corsow. Ya cu mester tene masha cuidao na aceptacion di financiamiento a fondo perdun, na e cantidad di habitante sino, otro factornan, especialmente e capacidad financiero di e territorio insular en cuestion.

E financiamiento a fondo perdun a ser duna pa Hulanda unicamente pa proyectonan cu no ta rendable y pa tal motibu ta pone gastunan extra riba e presupuestonan di e territorio insular. E gastunan adicional aqiti ta bini na momento cu mester mantene of explota e diferente proyectonan no rendable aqiti; esaki ta contrario na e prestatonan rendable, pa cual a busca prestamonan ya qn e resultadonan lo cubri loque mester paga back.

E ayudo financiero qn nos ta hanja for di Hulanda no ta algu qn por ser mira den sentido di por ehemplo cada habitante ta hanja X cantidad di florin den forma di ayudo financiero y un ehemplo claro den e caso aki ta, por ofrece Aruba mitar pista di aterrizaje di jet, un obra qn ta costa mes tantu cu na Corsow, solamente pasobra Aruba tin menos habitante cu Corsow?

Durante e deliberacionnan encuan-to e ayudo financiero pa e proyectonan di urgencia, e siguiente puntonan a ser usa como base:

- a. E proyecto ta tecnico y financieramente-economicamente sano?
- b. E ta cumpli cu un necesidad?
- c. E territorio insular, teniendo enen-

ta cu su posicion financiera, por mita su mes pa ehecuta e proyecto aki?

Especialmente contestando e ultimo pregunta, mester tin e maximo cautela, ora ta trata di financiamiento a fondo perdun cu manera ya por a ser constata, ta trespasa gastunan financiero grandi riba presupuesto di territorio insular.

Por lo demas basimientu di comparacion a base di proyectonan di urgencia cu a ser aproba ta inutil, ora cu realisa cu e plannan aki, considerando nan caracter di urgencia, di antemano riba e Plan di Diez Anja, a ser aproba pa Hulanda.

Cu Aruba ta participa den e plannan aki cu e suma di 70.880.000 y Corsow pa solamente 41.885.000 ta principalmente debido na e hecho cu Aruba, pa loque ta su desarollo economico, a cuminsa studia tur e cosnan aki for di anja 1956, mientras cu ta solamente dos anja y mei pasa a cuminsa studia y traha plannan di urgencia aki na Corsow.

Si un hende kier hanja un vista limpi nion en territorio insular di Corsow no Si un hende kier hanja un vista limpi y completo di e situacion, anto mester pone e plan di diez anja como base, manera el a ser forma y entrega pa e Bestuurscollege di antes.

ta participa suficiente of no ta hanja suficiente placa, anto lo e hasi bon y en ves di tene conferencia di prensa pa trata na forma un sentimiento negativo den comunidad, bini en proposicionnan concreto, cu ta coopera di un manera positivo na bienestar di Corsow.

E ora cu Bestuurscollege di Corsow lo por conta cu un actitud positivo di Gobierno Antillano.

HAVE A REAL CIGARETTE
HAVE A
CAMEL



ARUBA'S FAVOURITE
CIGARETTE

PRESENTACION DI POLA
JORISSEN

ORANJESTAD, 18 juli. — Dia 27 di e luna aki e grupo di ballet Arubano un biaha mas lo duna su actuacion anual di alumnonan. Esaki lo tuma lugar den Centro Cultural. Lo ta e prome presentacion bao di direccion di e leeraar di ballet Pola Jorissen.

COMPETITIE A.V.B.

Awenchi pa 7.30 den WILHELMINA STADION

LUCKY STARS vs. S.C.A.
(A KLASSE)

ENTRADA GENERAL FL. 0.50

Mucha mitar prijs



Merca ta pidi pa mas medida- nan pa isolacion di Cuba

WASHINGTON, 18 juli. — E ministerio Mericano di Exterior ta participa cu nan a pidi Spanja, Mexico y Canada pa limita nan servicionan di comercio y trafico cu Cuba den cuadro di e intento pa isola e regimen di Fidel Castro mas. Pero un portavoz a declara cu Spanja no a duna significacion nenga na loke ta limitacion di un servicio aereo semanal y un servicio cu bapor riba Cuba.

Dialghe y kestion ex a worde atende pa di ultimo biaha den un conversacion cu e embahador di Spanja na Washington, Merca asina e portavoz a participa, ta spera cometa pronto di Inglaterra riba e peticion pa stop avionnan for di Cuba cu tin agendanan subversivo potencial abordo pa ateriza riba e isla di Cayman.

AVION RUSO DI TRAFICO A CAI

MOSCÚ, 18 juli. — Un avion ruso di trafico a sufri desgracia cerca di Irkoetsk na Siberia, asina nan a anuncia awe di fuere oficial na Irkoetsk. Un como 30 ocupante entre eia casa die embahador Alboroz, cu Pekin a muri ne desgracia aki.

E avion, un jet di dos motor die tipo TU-105 di aeroflot tabata di cominda di Pekin pa Moscú. E avion a cai na algun kilometro di aeropuerto di Irkoetsk.

UNIDAD DEN DEFENSA INGLES

LONDEN, 18 juli. — E admiralidad y ministerioan di forza aerea y guerra na Inglaterra ta disparte na april di otro aña. E tres partinan di forza di guerra aki lo keda resoria bao di un minister di defensa, ayuda pa tres minister di estado. Un comision di defensa bao di presidencia di e prome minister lo trata e kestionnan riba termino largo. Ademas di esaki tin sesion den e comision minister di defensa y su tres ministerian di estado y helenan die stafnan general.

La Reina ta hanja e titulo di „Lord gran Almirante“.

ASALTO NA COLOMBIA

BOGOTA, 18 juli. — Ayera bandidonan a ataca na zuidoost di Colombia un grupo di viaheronan. Ocho persona entre eia un muhe y tres muchu a muri. Marineroan cu poco despues die asalto entel aki a persigui nan, a logra mata tres bandido, entre eia un muchu homber di 12 aña. Dos muhe a keda preso.

SENADOR MORSE KIER PARA AYUDO MERICANO

WASHINGTON, 18 juli. — E senador Mericano Wayne Morse (democratico) cu hopi biaha eia a haci criticanan fuerte riba programan Mericano pa stranheria, a pidi alhera den Senado pa stop cu e ayudo militar y economico pa prome di juli 1965 y pa stipula un otro programa pa mas ayudo. El a antecipa cu e lo entrega un amendement riba e proyecto di ley cu president Kennedy a saca tocante ayudo pa exterior — den eia nan ta pidi un suma di 4.5 miliard dollar.

REUNION DI CONSEJO DI SEGURIDAD

NEW YORK, 18 juli. — Despues Consejo di Seguridad lo reuni pa delibera tocante e keso, cu politiek Portugies den territorioan Africanos di Portugal ta forma amenaza pa paz. Despues e conseho lo papia tocante e situacion explosivo como consecuencia die politiek di apartheid di gobierno di Zuid Africa.

LORD HOME CERCA MINISTER LUNS

DEN HAAG, 18 juli. — Ministerian di Exterior di Gran Britania y Hulanda, respectivamente Lord Home y mr. Luns, y nan colaboradornan a cuminsa ayera tardi cu nan deliberacionnan general na e ministerio di Assuman Exterior.

HUELGA DI AMBTENAARNAN BELGO DI BELASTING

BRUSSEL, 18 juli. — Den gran parti di Belgia ambtenaarnan di belasting a huelga pa mas salario. Na Brussel clientan di ambtenaar a reuni awe mainta dilanti hoofdkantoor di belasting. Polis a serra e bazarario aki. E huelgistanan tabata zwaai cu borch riba eia ta para. Tin sanger di huelgistanan ne klopan di polis di Brussel.

Na un bringamentu cu polis dos ambtenaar di ministerio di Finanzas a keda herida. Na Antwerpen y Luik ambtenaarnan cu ta huelga tabata eia den eia. Pa demostra solidaridad cu nan colegaan di belasting y ministerio di Finanzas y ambtenaarnan di deunne tambe a cuminsa un huelga. Tur cominda na haaf di Antwerpen y bandi die frontera entre Belgia y Francia nan ta sin e consecenencia die huelga.

SITUACION POLITICO NA GRECIA

ATHENA, 18 juli. — Parandreu, lider die union di partidonan central na Grecia, a anuncia cu ex prome minister Venizelos a keda expulsu for partido. E union aki te partido di oposicion di mas grandi y tin 78 die 300 asientonan den Parlamento.

Nan a forma un gobierno interino despues di retiro die gobierno radical di Karamanlis dia 11 di juni pasa. Parandreu kier tene eleccionnan honrado, segun un sistema honrado di eleccion, door di un gobierno provisional honrado. Venizelos ta partidario di un gobierno politico provisional, cu ta hanja apoyo di mayoria die miembroan di Parlamento. Sin di tene cuenta cu nan direccion politico. Nan ta spera cu Pipoulis, prome minister di gobierno interino lo entrega Parlamento mayan un proyecto di ley cu ta contene un sistema nobo di eleccion.



Den e lugar Kwintshuvel cerca di Den Haag na Hulanda senior C. V. D. Knaap di nobenta aña a salba e muchu di tres aña Adrie Kuypers ora cu esaki a cai den e canal y casi a hoga. E homber aki cu ta asina stijf di viejez cu e no por lamta para sin ayudo a zak abou y a coge e man di e muchu tene. cu a corre bai den e canal cu su step. Aki senior Knaap ta indica na unda e salbamentu a tuma lugar, mientras cu Adrie ta frustra su sorpresa.

ZUID AFRICA

PRETORIA, 18 juli. — Moister di trabao di Zuid Africa, Trollip, a anuncia cu su pais lo no manda ningun delegacion pa empresanan di herra y metal die organizacion internacional di trabao, cu nan ta tene na Cardiff. Nan a tuma e decision aki pa motibu di hostilidad contra delegadonan di Zuid Africa ne conferencia die organizacion aki cu nan a tene algun tem pasa na Ginebra.

COSTA RICA TA KIBRA RELACIONNAN CU ECUADOR

QUITO, 18 juli. — Persecucion di elementonan extremistu izquierdista na Ecuador te ainda ta continua. Tin entre eia esnan deteni lider die partido comunista den e pais, y president die sindicato nacionalista. Probablemente nan lo saca nan tur dos die pais. Tambe nan a aresta un como 273 persona, cu a viola e prohibicion di salida.

E gobierno nobo a keda completa door di nombracion di Jose Corsio Cardenas minister di desarollo economico y Humberto Vocas como minister di Enseñanza.

E gobierno ta consisti actualmente di tres militar y seis civil, di direccion liberal y independiente.

Gobierno di Costa Rica a anuncia cu nan a kibra relacionnan diplomatico na Ecuador. Nan a tuma e medida aki en relacion cu bahamentu di president Jose Carlos Arosemena.

DOS ENEMIGO MORTAL DI DUVALIER A MURI

WASHINGTON, 18 juli. — E rumannan Clement y Harry Barbot, cu ta enemigon mortal di president Duvalier a wordu mata pa trupanen Haitiano di seguridad, asina radio Haitiano a anuncia. Den un mensahe die embahador Mericano den republica Dominicana pa State Department nan a bisa, cu segun un stacion di radio e rumannan muri den un bringamentu, despues na candel.

Clement Barbot tabata un die ex-colaboradornan di Duvalier, pero el a bira su enemigo. E y su ruman tabata na cabes di un grupo arma, cu a comete na april pasa un atentado riba e auto den cual tabatin junan die president Haitiano.

ARESTACION NA GRECIA

SALONIKI, 18 juli. — En relacion cu e investigacion pa circunstancianan bon di cual e miembro izquierdista di parlamento Gregorios Lambrakis a muri, nan a aresta na Saloniki e oficial di polis Emanuel Kapelonis. Manera anuncia un motociclista a trapa Lambrakis mata ora cu e tabata regresa dia 22 di mei for un reunion di paz. Kapelonis tabata hefe di un departamento die distrito policia den cual e motociclista y esaki su pasahero tabata biba. Nan a aresta tantu e motociclista como su pasahero riba acusacion di Asesinato.

YABI

pa bo exito

Avisa den
ARUBAANSE
COURANT
y compara e
resultadol

HARDWARE NEEDS

for Professionals & DO-IT-YOURSELFERS

TUR LOKE TA NECESARIO PA BO HOBBY Y BO REPARACION-
NAN NA CAS, DEN UN SURTIDO EXTENSO, naturalmente na
ANTILLIAN MERCANTILE CORP. N.V.
O'Stad tel. 1145 — San Nic. tel. 5635

GEZAGHEBBER DI

Sigui lesa riba pag. 2
di e Johannes aki, Abraham de Veer
a nace na Corsow y a bira gobernador
di St. Eustatius, St. Maarten y Saba,
despues el a bira comandante general
na Costa di Guinea (cerca Ghana na
Africa) y na aña 1838 el a muri na
Paramaribo.

Calmeyer decendiente di comandante-general

E Abraham de Veer aki tabata esun
cu tabata casa cu Dorothea Elisabeth
van Dyrecht, un yiu muher di un fa-
milia bieuw y conoci na Corsow, e abuelo
di Michael de Veer tabatin tambe un
yi homber Johannes, cu ariba su tur-
na a bira gobernador di Islanan Ariba
y cu tabatin plantagenan grandi na
St. Eustatius. Plantage Welgelegen ta-
bata di djé. El a casa cu Anna Ca-
tharina Dijkers un familia conoci na St.
Eustatius na e tempo ey, pasobra na
mas o menos aña 1750 ya un tal
Dijkers di Amsterdam a casa cu un
muchu muher Aertsen cu tabata biba
na St. Eustatius.

Tambe Heyliger tin relacion familiar cu Calmeyer.

Pero tin mas familia di St. Eustatius,
cu ta di e mes un familia di cual Cal-
meyer ta decendiente. Na mas o menos
aña 1750 un tal William Moore, cu
a nace na Schotland, tabata voogd di
iglesia na St. Eustatius. E tabata casa
cu un muchu muher for di Barbados,
y nan yiu homber William a casa cu
Adriana Heyliger, un number cu te
aunda ta conoci na St. Eustatius. Nan
yi homber, esta esun di William Moore
y Adriana Heyliger, tabata yama Rap-
zaat Moore, un number cu nos no ta
tende mas. Rapzaat Moore tabata e
donjo di plantage Golden Rock y el
a casa cu Felicitia A. M. de Claren-
cieux, cu tabata di St. Barth's. Nan yiu
muher Adriana Wilhelmina Moore, a
casa cu Michael de Veer, y e yiu mu-
her cu a nace for di e matrimonio aki
tabata Jane Ann de Veer, kende ta
mama di e Secretario di Estado Calme-
yer. Despues di tabata gezaghebbber na
Aruba, Michael de Veer a wordo nom-
bra como comisario di distrito na Sur-
nam. (caminla Jane Ann a nace na
aña 1871) y despues a bai Hulanda
caminla el a muri na aña 1888.

E echo stranjo ta, cu senior Cal-
meyer no unicamente ta decendiente
for di familia De Veer for di banda di
mama, pero cu si nos bai te na su an-
tepasadonan, anto ta bin na eia cu, e
ta decendiente for di tur dos banda
for di Islanan Ariba.

En cuestion cu e articulo aki nos a
informa sere senior Calmeyer y a re-
sulta, cu Su Excelencia no unicamente
tin masha hopi interes pa Antillas pa
motibo cu e ta un decendiente di aki
banda, pero tambe e tin hopi pintura-
nan bieuw for di St. Eustatius.

Dr. J. Hartog

JACQUELINE DE MIRANDA A SLAAG

ORANJESTAD, 18 juli. — For
di Hulanda a jega noticia, cu sra.
Jacqueline de Miranda, yiu muher
di sr. y sra. J.L. de Miranda di Fo-
lo Hanna den Nassausstraat, a slaag
pa jengeldistser. El a hanja su di-
ploma na Opleidingscentrum Middel-
loo na Amersfoort, sra. De Man-
da cu a sali di Aruba 4 y mei aña
pasa, lo recibí su diploma dia 15 di
september despues di un vacan-
cion den augustus. Luego e ta re-
gresu pa Aruba, caminda e ta spera
di hanja un trabao adecuado.

BOYCOT DI BAPOR HULANDES

SYDNEY, 18 juli. — Obreronan
den haaf di Sydney a ninga pa car-
ga scopel abordo die bapor Hulandes
di carga „Sirat Cumberland“, pas-
obra segun un e senelanan aki ta pa
Zuid Africa. Un declaracion di mi-
nisterio di Australia cu e carga di
arma ta destina na Tanganika no a
imponer e obreronan masha.

Tin comentaria a bisa cu algun
biha nan sa ganja na y nan mester
tin di un prueba mas cla, orome cu
nan biba e carga aki abordo die ba-
por Hulandes.

MIDYEAR SALE

na
PANAMA STORE
TELA WASH'N WEAR
di 50 ct. pa riba pa yarda
TELA DACRON Y COTTON,
antes f 2.25 pa yarda,
awor f 1.50 unicamente!
SAPATO PA DAMAS
f 1.75

CAMISA BANLON PA
CABALLEROS
2 pa prijs di 1.
y hopi otro articulo mas na prijsnan
drasticamente reduci

Panama Store

BON NOTICIA!
RUBIA MAPLETON Y GANA
PLACA ALAVEZ.



AWOR..... pa cada pak
bashi di MAPLETON, bo ta ricibi
3 cent.

Agente:
SHANGHAI STORE
San Nicolas.

it just...
LOOKS
...expensive

gracias na e staf di techniconan cu
ta duna bo tur informacion pa pla-
nea bo cas, renovacion of recon-
strucion na un prijs masha razo-
nable.

PETRONA & CROES

USA GAS PA TUR COS

pidi
bo
tubonan
na
tempo
ARUBA GAS SUPPLY
TEL. 1898

CISCO KID presenta pa cortesia di ARUBA BOTTLING COMPANY

e promer fabrica di refresco na Aruba, cu e productonan mas
gusta y mas pidí, NESBITTS e refresco sin igual.

1. Weta.
Nan a trefe, ta kende lo ta?
2. No ta interesa nos ta ken-
de, laga nos bai pa eaba.
3. Pancha bo no a bai na e
fuer e?
Si awor mi ta bai Cisco, mi
a tarda mi poco.



PEPITA pa cortesia di: Antillian Hardware Co

E mehor adres pa VERF, KWASHI, TUR CLASE DI HERMENT, articulos sanitarios.

1. Sr. Gonzalez, Lorenzo a
hai traha awe sin dunami
un sunchi di despedida.
Warda un rato senjora.
2. Bai na mi oficina.
3. Sunchi bo senjora.
4. Bo mester tin verguenza
di bo mes.



Na Rotterdam, Prins Bernhard a inaugura e monumento
di Marinier, cu a ser traha pa Titus Leese. Aki ta un bista
di e solemnidad di inauguracion.

- 10.00 Noticiario Internacional
- 10.05 Híbridos Latinos
- 10.09 Programa de la Habibe Jr.
- 11.00 Noticiario Internacional
- 11.05 Música Norte Americana
- 11.15 Música Antillas
- 11.20 Música varía
- 12.05 Noticiario Internacional
- 12.20 Música Norte Americana
- 12.45 Noticiario local
- 01.00 Música varía
- 01.30 Mel era un amor
- 02.00 Novela (repección)
- 02.30 Petitiones
- 03.00 Twist
- 03.15 Merenques
- 03.30 Calypso
- 03.35 La Americana & Internacional
Supermarket
- 04.00 Música al sabor Azteca
- 04.30 Noticiario local
- 04.45 Cortal musical
- 05.00 Danzantes Cubanos
- 05.15 Música varía
- 06.00 Noticiario deportivo
- 06.15 Música varía
- 06.20 Música para la cena
- 07.00 Noticiario Internacional na Papiamentu
- 07.15 Música Europeo
- 07.15 Música Norte Americana
- 08.15 Novela (Vida Bohémica)
- 08.45 Música varía
- 09.00 C.C.
- 10.00 Stirling

ralmente un poco impulsivo. Bo no ta traiciona nos toch seniorija Van Wolaken? Nos a hai core diferente bihaa caba y el a trata pa sunchi mi.

—No tin discusion tocante gusto, Cristina a contesta fresco.

—Henning tin un debilidat pa muhernan cu cabei pretu. Pero cu e lo ataea ami asina mi no a spera. E kier tene nos amor secreto ainda. Bo no ta traiciona nos toch mi ta spera?

—Apenas mi lo tin oportunidad pa murmura intimidadnan den ora di e conde. Su eabaihan ta interesa mi, no e mes. Mi ta spera cu lo ta tranquiliza awor, seniorija.

Brigita a hari cu smaak.

—Pero mi yiu, mi no ta jalors. Con bo por pensa algu asina? Henning ta encañtoraly y e ta gusta tira piropo pa mucha muhernan bunita, pero e no ta pensa mas 'riba dije. Mi conoele.

—Wel, mi kier felicita bo, Cristina a bisa. E n: a muestra con e tabata sinti sumes.

Mainta mes el a rechaza un homber, cu a ofrese su curazon. Y solamente pasobra un dia prome el a sera conocij cu Henning. Esey tabata e unico motibu. Pasobra e no tabata asina orgulloso di su posicion aristocratico. Tabata mas tantu un excusa, pasobra e no por a bisa berdad. E no por a admiti su mes cu desde e prome momento el a enamora di Henning caba.

Ora cu e conde a drenta atrobe, el a hianja dos damas cu tabata sinti masha ketu dilanti otro.

—Esaki ta un binja, el a bisa y el a muestra e etiketa. E dos damanan n: sikiera a waak esey.

—Mi mester hat awor. Bebe bo binja bo so conde. Y bo no mester haei esfuerso na hiba mi cas, mi ta hania e caminda mi mes.

Henning a pone e botter 'riba mesa cu un sla.

—Kiko esey kier nifeca? el a puntra rabia. E tabata un persona cu no por wanta carnicheonan, e tabata ta exigel selfcontrol di hende.

—Mi kier hai cas, mi no a bisa bo caba. Avo conde, seniorija Zachewi, Cristina tabata para cu su lomba ha e dama cabei pretu.

—Mi ta hiba bo na porta. Henning a dicidi, sin paga atencion n: su protesta. Su cara tabatin un expresion duru y pa prome biha Cristina tabata nota cu e tabata pare cu rumian masha.

(E ta s'gut)

KIRBY NO SE
ERIVUDCA...

ESPEREN QUE
ESTA NOCHE LOS
VOY A NECES-
SITAR.

BIEN,
KING.

JOHN
PRATT
1-44

Cristina a sinti su mes di repente mahos. Mucha blond tabatin aki hotapi, pero cabel pretu tabata algu stranja, y un atraccion desea. Y e maneramente cu e mucha aki tabata waak e.

Problema petrolero na Guyana Ingles

GEORGETOWN, 18 juli — Gobierno di Guyana Ingles i e companianan estranhero di petroleo ta buscando un solucion pa e problema cu a queda despues di e welga general di ocheuta dia, esta import y venta local di gasolina y otro productonan petrolero.

Ayera a yega e tanker "Cubana" cu un carga di productonan petrolero Ruso.

Pero automobilistan y amanan di cas ta aida no por hanta mas tanta gasolina y kerosine cu nan kier. Gobierno di Guyana Ingles a compra petroleo na Cuba durante e welga, y a obliga su mes pa haci mas compra.

E minister pa obranan publico, a declara cu e provisionan aki mester wordo vende prome cu e companianan Anglo-Mericano, cu normalmente ta entrega petroleo, por remanda nan entregamentu, gobierno a muga di duna nan vergunning pa nan vende an productonan petrolero for di e tankinan grandi cu nan tin na Guyana Ingles.

NAN A SERA SURINAME RIVIER

PARAMARIBO, 18 juli. — 110 kilometer na zuid di Paramaribo ta Alibaka nan a sera e ultimo buroto den Suriname Rivier.

Na Alibaka den Suriname Rivier nan ta construi un stuwdam di 400 kilometer largu pa lanta e industria di aluminium. Na ta sera e awa aki bek door di 1920. E stuwdam di arte di beton ta 1000 meter lant y 100 meter ancho.

Nan ta spera cu na maart di otro aña nan lo ta sera e stuwdam completamente. Mientras e stuwdam ta yena nan lo termina e dam. Si tur cos termina segun plan nan lo por hanta energia electrico na agosto 1965 na Paramaribo, caminda nan lo construi un smelter y un fabrica di aluminium.

HUELGANAN NA FRANCIA

PARIS, 18 juli. — Tecniconan y locutornan di radio Frances no a traha awe como protesta contra un proyecto di ley di gobierno, cu kier eba cu e huelgan di sorpresa cerca servicionan di gobierno. Nan lo tene na hopi otro servicio di gobierno huelgan cortico.

E sindicato ta mira e proyecto di ley como un violacion di derecho di huelga.

Metro di Paris y otro camindanan di ferrocarril den cercania a huelga durante un ora. E huelga di corrienten den capital no a habi awe mainta durante dos or. Awe e asamblea nacional lo delibera tocante e proyecto di ley relaciona den e prome lezing. E stipulacion di mas importante di esaki ta cu mester anuencia e huelganan aki 5 dia padilanti.



Na Bonn e ministernan di Exterior di Francia y Alemania, Maurice Couve de Murville (r) y Erhardt (d) a firma un acuerdo entre e dos paisnan, tocante entrecambio di hobennan, President De Gaulle y canceller federal Adenauer tambe tabata presente.

INDONESIA TA PIDI ENTREGA DI MANUSCRIPTO HISTORICO

DIJAKARTA, 18 juli. — Minister Indones pa Asuntunan Social Muljadi Djodjardjono, a haci un peticion na Hulanda pa entrega nan e manuscritonan historico Indones, cu actualmente ta warda den e museo na Leiden y den Instituto Real pa Tropico na Amsterdam, asina Antara, e agencia Indones di prensa a anuncia.

E minister a bisa, cu Hulanda mester haci e gesto amistoso aki den interes pa progreso e relacionnan di amistad entre ambos pais.

PARLAMENTO INGLES Y ASUNTU PHILBY

LONDEN, 18 juli. — Prome minister MacMillan di Inglaterra a pidi miembronan di Lagerhuis pa no trata e asunto Philby den publico. MacMillan a bisa cu el a investiga e asunto aki y a papia hopi tocante di e cu Harold Wilson, lider di oposicion laborista. Wilson a admitti cu MacMillan a duna e un rapporto abieto y completo di e asunto. Tambe el a hanta cu nan mester laga e kestion aki keda den parlamento so.

Manera anuncia Harold Philby, cu tabata uni na e ministerio Ingles di Asuntunan Exterior y a bisa despues periodista, a disparee dia 23 di Januari for di Beirut. Segun gobierno Ingles e tabata e di tres persona den e asunto "Burgess-Maclean". El a avisa e diplomatio Ingles Donald Maclean via Guy Burgess en servicio secreto Ingles tabatin bista riba e. MacLean a hui pa Rusia.

SOEKARNO TA PIDI RESISTENCIA CONTRA MALEISIE

DIJAKARTA, 18 juli. — Awe president Soekarno a bisa cu Indones ta mester pone resistenci contra e federacion di Maleisie cu nan a propone pasobra esaki ta contra nos revolucion y nos deseeonan. Atrobe mi ta haci un peticion pa pueblo Indones pa keda uni den resistenci contra e federacion, segun president Indones, cu a tene un discurso na instalacion di 35 secretario ministerial.



Plannan Ruso pa vuelonan pa luna ta avanza

LONDEN, 18 juli. — Sir Bernard Lovell, e director di e stacion di observacion Jodrell Bank na Londen, quen recientemente a bishita Moscu, a bisa na un conferencia di prensa na Londen cu e Rusonan tin intencion pa dentro di cinco aña lansa un cabina di espacio cu un telescopio a bordo cual ta wordo maneja pa un homber. E telescopio y e equipo necesario lo pisa huntu algun ton.

Sir Bernard a declara cu e cientificonan Ruso ya basta dia eba ta studiando si ta recomendable pa haci aterrizaje riba luna. E cientificonan ta di opinion cu nan ta capaz pa haya no-bento porcientu di e datonan tocante luna cu nan tin mester cu yudanza di instrumentonan, prome cu nan logra soluciona tur problemanan cu ta relaciona cu un aterrizaje di un astronauta riba luna y sigur cu e lo por regresa mundu.

CHINA LO JUDA PAKISTAN CONTRA INDIA

RAWALPINDI, 18 juli. — Minister di asuntunan exterior di Pakistan Bhutto, a declara awe den parlamento na Rawalpindi cu Pakistan lo hanta ayudo dje estado di mas grandi di Asia, si India mester atakele. Cu e elemento nobo aki mester tene cuenta si nan no ta exclui un atake arma di India riba Pakistan. E minister no kier a bisa si Pakistan a serra un acuerdo secreto cu China.

TRANSPORTACION DI EQUIPO DI GUERRA

NEW YORK, 18 juli. — Un bapor Mericano di marina y un bapor di carga lo participa di 15 di juli te 1 di october na un prueba, cu tin como fin pa stipula cu cual sortu di bapor por transporta mas eficientemente, trucknan militar riba laman. Velocidad riba laman ta mas importante, pero tambe e velocidad pa carga y descarga e material di guerra aki lo hanta un papel importante na e prueba mencionada.

Ambos bapor lo haci den e periodo menciona viahenan entre Hampton Roads, Virginia y Bremerhaven na Alemania Occidental.

DUNCAN SANDYS A YEGA LONDEN

LONDEN, 18 juli. — Duncan Sandys, minister Ingles pa mancomunidad y colonia a bisa na su yegada na e aeropuerto di Londen cu no tabatin kestion en Inglaterra lo suspender constitucion na Guyana Ingles. E minister Ingles a regresa Londen despues di un bishita di un siman na Guyana Ingles. Riba un pregunta si Inglaterra mester coopera cu e comision pa kestionnan colonial di Nacionnan Uni pa solucionar problemanan na Guyana Ingles, Sandys a bisa: "Sin intervencion di Gran Bretaña e situacion na Guyana Ingles ta asina complicada".

E minister Belgo di Exterior Paul Henri Spaak (roboz) y e premier Ruso Nikita Chroesjef (drecht) aki durante un encuentro cu a tuma lugar na Moscu recientemente.

BAUTISMO PA CARTA NA RUSIA

MOSCU, 18 juli. — E corant di Moscu "Komsomoljets", a anuncia cu pastornan Ruso ortodoxo ta gana funcionanan comunista di partido cu bautismo por medio di carta.

Na Zagorsk na Moscu mongenan a renuncia e bautismo tradicional na pila di bautismo. Segun e corant, Nan a laga sa cu ta suficiente si padrino duna nomber dje yiu. E padrino lo hanta un cruz y un carchi riba eua ta para cu e muchu ta bautiza.

Funcionarios local di partido, segun "Komsomoljets", cu a tene e bishita eclesiastico den bista tin miedo cu miembronan di partido cu kier laga bautiza nan yunan lo haci esaki por medio di carta pa asina evita pa hanta un scual di partido.

E FEDERACION ARABE

LONDEN, 18 juli. — Nan ta spera cu Siria y Irak pronto, podise hanta mes, lo manda delegacionnan di funcionarios alu pa Cairo pa delibera cu Egipto tocante e federacion.

Radio Amman y Radio Beirut a anuncia cu lo conduci e delegacion di Siria general Atassi, president dje consoho revolucionario di Siria y comandante supremo di forzanan di guerra di Siria, Egipto, Siria y Irak a d'edi dia 17 di april pasu pa forma un federacion cu lo yama Republica Arabe Uni. E federacion aki no a wordo realiza ainda.

DESGRACIA SERIO NA IRAK

BAGDAD, 18 juli. — Na un delmentu entre dos autobus entre Bagdad y Hilla na zuid Irak a muri 36 persona y 28 ta herida. Segun e corant "Al-Bilad", cu a anuncia esaki e desgracia a pasa algun dia pasa.

RELACION ENTRE E.E.G. Y LATINO AMERICA

BRUSSEL, 18 juli. — E comision di E.E.G. tabatin su prome conferencia na Brussel cu representacionan di paisnan Latino Americano pa entrecambio di datonan tocante relacionnan economico y comercial di ambos hantia.

E conferencia cu tabata bou di direccion di un miembro di comision Jean Rey (especialmente encarga cu relacionnan di exterior dje comunidad) ta organisa door di un decision dje consoho ministerial di fin di mei tocante desee pa desarrollo harmonioso di relacionnan cu Latino America.

Di fuente di Latino America tabata presente, Argentina, Brazil, Chili, Colombia, Uruguay, Venezuela, Ecuador y Guatemala.

E president dje comision di E.E.G., profesor Walter Hallstein a delibera cu Christian Herter y e lider dje delegacion Mericano na e deliberacionnan di trabou na Ginebra, Blumenthal. Despues Hallstein a ofrece su huesped Mericano un comenientu.

COMUNICADO TOCANTE BISHITA DI LORD HOME NA HULANDA

DEN HAAG, 18 juli. — Ayera nochi nan a publica un comunicado comun di Hulanda e Inglaterra. Den e comunicado ta wordo bisa entre otro: Ayera Lord Home, minister Ingles di Exterior a yega Hulanda acompaña di su esposa, Lady Home, pa un bishita oficial di dos dia na Hulanda, como huesped di gobierno Hulandes.

Durante nan estadia Lord y Lady Home lo wordo ricibi en audiencia pa Reina Juliana.

Ayera tardi minister Luns tabatin un deliberacion di cuator te seis or cu Lord Home na e ministerio di Exterior. Nan a papia tocante asuntunan Europeo cu ta na interes di ambos pais. Minister Luns a duna Lord Home un relato mas extenso di e deliberacionnan na Brussel, enal a produci e proposicion pa den cuadro di e union Europeo tene contactonan cada tres luna, cu e fin di duna e shete paisnan oportunidad pa studia e situacion politica y economica.

E deliberacionnan di ambos minister a trata tambe problemanan di NAVO di desarme.

Den curso di e deliberacionnan ambos minister a duna nan satisfaccion tocante e relacionnan extraordinariamente cordial cu ya ta existi entre ambos pais, y tambe nan a expresa nan opinion completamente igual tocante e problemanan cu nan a atende.

LA REINA TA RICIBI LORD HOME

DEN HAAG, 18 juli. — Su Mahestad la Reina a ricibi awe mainta minister Ingles di asuntunan exterior Lord Home, y Lady Home na Palacio Soesdijk, tambe la Reina a ricibi e embahador Ingles na Hulanda, Sir Andrew Noble.

E "City of Oxford Silver Band", a trese un homenage musical ne terraza patras di Palacio.

E band aki ta consisti di obreronan di un fabrica di auto na Oxford y ta bao di direccion di dirigente Chalkis.

GOBERNADOR DI ANTILLAS NA HULANDA

AMSTERDAM, 18 juli. — Gobernador di Antillas Hulandes mr. Debroet lo bishita dia 19 di juli proximo e instituto Real pa tropico na Amsterdam. E lo bishita especialmente e museo tropico y e libreria central dje instituto.

LOCUTOR BRAZILEIRO NA HULANDA

DEN HAAG, 18 juli. — Den e lunanan cu ta bini milles di Brazileiro lo conoce via nan radio bida na Hulanda den su hopi aspectonan. Lo actua como nan informador Mauricio Quadrio di Rio di Janeiro, cu foi algun dia eba ta huesped di Wereldomroep na Hulanda pa haci algun grabacion.

Senior Quadrio tin idea di haci un como 12 programa di radio di cada uno diez minuut tocante diferente tema, manera industria Hulandes, obranan di Delta, Rotterdam, Eindhoven, Alkmaar, Amsterdam, ciudadnan di Zuiderzee, museonan, paisahe Hulandes, flor, radio y television.

BO HOROSCOPO PERSONAL

ARIES 21 Maart — 20 April



Mainta ta e mehor tempu pa sollicita. Ha placa of busca ayudo. Tambe deliberacionnan di negoshi ta mehor dena mainta.

TAURUS 21 April — 20 Mei



Awe bo mester puntra bo mes si acaso tin talento cu bo no ta usa bon. Lo ta dificil na hantia placa di oironan awe.

GEMINI 21 Mei — 20 Juni



Lo ta necesario pa busca cooperacion di otro y bon consejo prome cu bo cuminsa cu algo nobo. No spera muchu preferencia awe.

CANCER 21 Juni — 22 Juli



Awe bo mester cuminsa tempran si bo tin trabou importante pa haci. Atardi ta mustra manera lo tin poco tension y pleitu.

LEO 23 Juli — 22 Augustus



Mainta por trese ideanan bon pa bo y bo ta capaz pa soluciona problema cu ta preocupa bo di basta tempu eba.

VIRGO 23 Augustus — 22 September



No spera muchu cos di e dia di awe. Sigui manera customer y no tuma decisionnan importante y cuida bo dieta.

LIBRA 23 September — 22 Oktober



No laga trabounan innecesario stroba bo. Bo mester pone tur cos un banda pa haci loke bo a propone bo mes.

SCORPIO 23 Oktober — 21 November



Tur loke bo haci pa mehora bo estado financiero y e-bita gastonan innecesario ta bao di aspectonan favorabla.

SAGITARIUS 23 November — 21 December



Bo mester cuminsa traha tempran awe, pasobra atardi lo hini mas trabou. Por tin sorpresanan mas den dia.

APRICORNIUS 22 December — 19 Januari



Mainta ta favorabla pa acuerdonan y kita desunioanan for di caminda. Paga atencion na asuntunan aleha.

ACUARIUS 20 Januari — 18 Februari



Bo mester tene cuidao cu awe bo tempu lo wordo otona cu tur sortu cos bon. Awe chi por tin pleiun.

PISCES 19 Februari — 20 Maart




Tene poco cuidao cu hendenan cu ta haci bo ofertan; por costa bo placa. En general ta mehor pa haci bo trabou di customer.

CASTIGO PA HUDIONAN NA RUSIA

MOSCU, 18 juli. — Un corte di husticia na Moscu a condena awe un hudio y dos muhe hudio pa pena den prison di maximo un aña pa motibu di demasiao ganashi riba venta di pan cu nan mes a traha. E hudio a declara cu e no ta culpabel. E dos muhenan a declara di a hende e panan pero cu nan no ta trata ganashi riba eadnan.

BUCHI ROBEZ presenta pa cortesia di **PIET'S SODA FOUNTAIN** tel. 2123
★ e mehor adres pa snacks, tur clase di dushi, softdrinks, ice-cream y revistas



Prinses Irene, cu actualmente ta na Spanja pa studia Spanjo, a bishita Las Matas caminda na ta filma e pelicula "Decadencia di e reinado Romano". E portret ta mustra e prinses cu la companja pa oficialnan di e pelicula entre e decoracion impresionante.